

空同集



空同集卷第一

北郡李夢陽

賦一十篇

疑賦



下乾上坤高卑易矣星辰在下江河逆矣天喬喬天  
雉鳴求牡矣魚游于陸冠苴履矣嗚呼噫嘻當晝而  
夜宵中日出我黑彼白婦鬚男楊鉛刀何鈇湛盧何  
鈍文則謂短謂長者寸鳳鳴翩翩羣喙衆愆鵠鷓胡  
德見之慕焉嗚呼噫嘻貞瑩內精讒嫉孔彰垂滑澳  
忍名崇智成輒詭歆歆馳騁爽達穢良媚勢光爛明

聞彼曰昧昧人則攸知上帝夜夜鬼神邈而昔之多  
士猶或畏疑今之多士覲肆罔懷嗚呼噫嘻民殊者  
形厥心則一威擠利啗曰伊我采血流于庭酣酒歸  
室友朋胥嬉同聲德色穿彼罔識巧我攸極昔之執  
衡視權與星今之執衡惟我重輕古道坦坦今眩東  
西指晨謂暮日鸞爲雞隣牛茹虎冀虎德予厲莫察  
階倒靡究所嗚呼噫嘻盜跖橫行回憲則貧上官尊  
榮原隕厥身直何以仇佞何以親或何以顛操何以  
振飛何以屈檜何以伸西子何惡嫫母何姝乘黃疾  
弱御者駘駘舍彼靈明溺於任胡塗皎皎者忌憐彼濁

汙水清奚無魚而泥淖以成良畚先生莫所自解誦  
曰握粟出卜其何能穀於是出造巫咸叩焉巫咸曰  
胡梯鵲突而與世汨受福揭揭漁者一旦獲尋丈之  
魚見之者猶捩頸流涎思劫之也而憾不漁屠而况  
懷千金之寶抱徑寸之珠吾誠不能筮以決子之疑

鈍賦

鈍者何傷時之銛也亦自快也

余竊悲機巧之競進兮性靈利而激昂衆倜儻而鑽  
刺兮務捷徑以求成勢犬牙苟相軋兮白刃起而相  
仇戈戟攢於心肺兮蹈檻穿而靡憂汨余生之頑鈍

兮年逾壯而無能強砥礪而求合兮路亡羊而多岐  
退斂掩而修吾初服兮韜余劍之陸離拂靈鏑之離  
離兮吾什襲而猶恐露之謂時俗之反覆兮常寶偽  
而棄真斥莫邪使不御兮挈鉛刀而自珍吾縱有湛  
盧與龍泉兮反孤立而危懼按明月之玉環兮塵星  
斗使不露覽徃古誰不然兮吾又何怨乎今之遭余  
常怪范蠡之用鉞兮末見幾而逃彼種與胥豈乏利  
刃兮竟爲主之仇讐故木以直見伐兮擣以屈曲保  
全故銳者先衄兮吾蓋幸王遂之脫身鬱佗條余拂  
抑兮退且焉礪吾初質索白茅而構菴兮斲桂杉而

爲室閭踽踽以潛處兮情蹇產而畫一閭踽踽以後  
時兮寂蒙滕而藏密余以徃哲爲治兮以隱子爲模  
鎔禮樂以爲銛兮淬仁義而內娛進旣匪我願兮又  
何必昭此鋒也愴徜徉以徃來兮聊秣吾之駿駟策  
駑駘而追騏驥兮余故知路之遼遠按六轡而遊康  
莊兮亦何必逞羊腸與九坂舍余駟於丘之旁兮又  
捐刃乎水裔準閉戶而削迹兮效完身而遠害惟山  
路之巖嶮兮叢篁鬱而蔽天物過盛而易實兮勢阨  
危而必顛吾寧楞騰屋簌蒙詬笑兮不願爲文錦之  
犧牛寧與蹇驢齊軌埋沒于塵土兮終不與凡馬而

競先

思賦

有子不及見其成立爲子生無以養死無以葬  
仕也無以褒斯二者天下之至悲也死者已生  
者思兀然黯然於乎駱子胡以塞汝悲於是爲  
駱子作思賦賦曰

嗟予生之眇眇兮塊獨處此遐域誦往昔以自憐兮  
淚交下而橫臆登峻極以顧望兮慨江路之漫漫思  
井隴之萎絕兮願矯舉而無翰山岨岨以蔽目兮浮  
雲又互而四馳詔鳴鳥以詒訊兮歛高騫而過之託

先人之餘蔭兮踵高躅於英哲勉策名以副實兮懼  
前修爲之半輟入文衲以華屋兮出結駟之翩翩慟  
夜臺之旣扃兮杳冥冥而重泉覽疆土之殊異兮睽  
江鄉之墓阡米予莫之負兮木兮風而夕厲悒怛怛  
以不寐兮標拊膺而歔歔哀故山之遼逝兮湖泫泫  
而海波隴荆榛之弗治兮枯荻積而寒莎霜露旣披  
此梧秋兮迺又申之以颼颼猿夜鳴以慘心兮鴻鴈  
南而冰雪冰雪予旣弗堪兮豺狼又怒而當路然妻  
斐之易眩兮蹇隱憂而誰訴恫愠愉以中結兮氣氤  
氲而內煎耿解聯而靡絕兮鬱於邑而若牽怒臯牢



P5

而若饑兮若皇皇求而未得食悵悵而罔甘兮寢輾  
轉而反側步踽踽而有望兮坐默默而自語僂僂  
而有聞兮肅容聲之接予亂曰綏我思成神之利降  
爾遐福天之畀孝子不匱賢之嗣

述征賦

仲夏赫炎兮草木畢揭鞿縲赴徵兮夜發梁國抑情  
順志兮強食自解亂流渡河兮忽焉而昧所以憤恨  
揮霍兮中情菀而內傷明星散而交加兮翩冥冥吾  
以行覽衆芳而橫涕兮莽皇皇莫知所投曷曷杲杲  
方上進兮雲披離而蔽之飄風磕而曾波兮湖水擊

行曰雷霆不可玩兮孰刑人而不戒悲轅馬之喘噓  
兮常十策而九退朝檻木末之清風兮夕瞻明月指  
列星我旣處幽羗誰告兮魂中夜之營營欲展詩以  
效志兮又恐增愆而倍尤衆聚觀而潛許兮或掩涕  
爲予乎淹留予朝餐中山之初蕨兮暮挈易之香芬  
睇北山而不見兮彼南州又藐焉而弗予睹氣怍怍  
而絳結兮心緯繡而弗怡紛流日以相觀兮見金臺  
之崔嵬軫椎虹之迅光兮幟烏白與馬角燕昭旣劇  
該輔兮厥躬亡而國削何秦嬴之虎視兮厥二世以  
不祿固盈虛之環沓兮春秋奄其代續自前代乃已

然兮吾又何怨乎人心雜亂反覆豈畢究兮由邃古  
而至今重曰隆隆三伏鑿金石兮如羨如涕行路喙  
兮道思作誦軫爾類兮南有喬木不可以憇兮念我  
徂征日顛顛兮含精內飮世莫可說兮亂曰已矣哉  
鳳鳥之不時與燕雀類兮橫海之鯨固不爲螻蟻制  
兮誠解三面之網吾寧溘死于道路而不悔兮

省愆賦

伊余幼好此騏驥兮服偃蹇以驕驚載銜轡而周流  
兮耿旣得此中路余謂者不質曷固兮謂蘭蕙介而過  
疑援鳴鳩使爲理兮俾高舉而並馳旣婞直而不豫

兮又任怨而干條固羣吠之難犯兮每貼危而弗懼  
余豈不知嶢嶢者之寡完兮羗堅忍而弗懲驟諫諍  
以離尤兮莽飄風之相仍交不深而易絕兮儵中道  
而改度媒阻絕之不通兮焉孰導余以前路放子唵  
而掩涕兮遂臣去而不還紆鬱邑以屈抑兮恐日薄  
於西山浮洋洋余焉極兮濫逶迤而游淫相曹梁之  
廢墟兮攬長河之緒風信孔樂非我願兮望北嶺而  
歔歔效桃鳥以自珍兮遘羅網之不意憐赫夏以桎  
梏兮雷無雲而晝鳴愍棘扉之卑惡兮夜不見月與  
星吾聞湯文遭繫兮豈其博修之故惟鄙人之不葵



兮固宜蒙詬而逢怒步庭堦而遙望兮宮殿鬱而槩  
天願陳志之無路兮倚北戶而嬋媛觀炎焱之煽埃  
兮地沮洳又蕪穢哭與哭之相聞兮對飲食而不能  
下怨長日而望夜兮夜明闇又若歲蚊蝎伺人以唐  
旁兮鼠登牀而鳴逝怵侘傺余隱軫兮哀民生之多  
釐數惟萬變豈其可槩兮孰澳忍而不跲援往聖以  
爲程兮按余志且焉止戢夢忽乎余上征兮魂浮游  
之逖逖過太儀叩天閭兮捫白榆之歷歷進不入以  
遭迴兮退余將暨允夫下土馮玄雲以相羊兮洵極樂  
而無所撫辰星以攄慮兮據雄虹而降觀飲積清之  
浮涼兮依北斗而浩歎何匹民生之錯雜兮紛既有此  
難心猶豫而內訟兮悔有日月之不見寤周覽以增  
歎兮塊獨處此幽域鴟鴞萃而翔舞兮鳳鳥飢而夜  
食衆鞞沓以自媚兮焉誰察余之悒悒閱芳華之零  
落兮秋風至而改期飈蕭颯以摧容兮天淫淫又陰  
雨幽屋破而下淋兮牀一夜而十徙怛愠愉以省故  
兮冀一見之不可得日昧昧以將入兮掩衾裯而太  
息惜余年之強壯兮常坎軻而滯留憐鬢髮之漸變  
兮恐芳草爲之先秋情有感而難忘兮性有紕而不  
釋念昔者之周渥兮孰堅忍而拋擲閔紆一以怵瞿

方竊陳詩以自抒懼言弱而道阻兮恒潛隱而思慮  
宣歸賦

正德九年是歲甲戌厥月辛未臣以居官無狀  
得蒙寬譴罷歸迺作宣歸之賦其詞曰

昭浮清以覆育兮北斗平均而酌時蟪蛄微細而先  
秋兮水知寒而流澌疾余生之蠢持兮性重剛而習  
坎吾既婞直獲斯厲兮孰復訟心於顛顛悲羣志之  
詭異兮恒忌勝而營已與已好則曰好兮忍憮蛾眉  
而攻毀繫聖人無小大兮吾聞大道以天下爲公彼  
黨同以掩飾兮擊非儔而謂忠惟古人之醜僞兮迸

四夷而投北胡今士之婪穢兮廉之則云伐德帝板  
板以遼寥兮九天立而雲征滄汶汶以頽寢兮豈察  
詳而悉情滂澄清厥躬殆兮原靡豫而遭放美余焉  
獲茲嘉間兮詔冠帶以流浪晨靈雨以揚熾兮溯江  
漢之滔滔背朱明之游颺兮面長庚而北道瞥九江  
余曾儵兮超大別而逾迅介夢澤以洋洋兮風沔郢  
以遵順宵認參昴兮晝諦波濤痛定思痛兮癩前車  
而內切衆垂滑以善憎兮噉沓喀而背訛諛媿媿以  
朋附兮瑣刺齟而陽給艷余惡以披離兮矯九仞之  
翩翩趨溷悶以孤變兮巢雲柯之蔽蒂彼叢噪以側

眸兮含沙射而伺予夥千百以致一兮標寤言而誰  
語陋嘍伊之僑態兮譁偃倮唯唯趨趨生捩直俾之  
曲兮民炎門礪而肉魚股血膏以日富兮佯減儉以  
豪素哀窶人之填寡兮彼醲鮮袒而號呼心與迹旣  
我逆兮焉飲食之遑寧憤粉飾之亂姣兮疇知余結  
駟而滿膺時鑠金之冰鬚兮吏抱牒環而相勿汗簌  
簌以零案兮風薄肌之瑟瑟恫潰澮以煩擱兮念偃  
仰之不可得報束帶以例趨兮秉眩戰而狐惑徒文  
繡之外彪兮內棘戟其誰知思玩慢以整遷兮則又  
懼素餐而神災吾寧轟列劣撤與世選兮良不刃也  
敲齷齪與草木而塵埃惟代謝之飄忽兮慨顏跖逝  
而黃丘究萬變以定命兮孰長存而竟留懲夙昔以  
質行兮吾幸夫前路之尚修余指日月之顯隅兮迴  
巖阿而槃考徙桑若以敷蔭兮移嵩華而分島仰峯  
崑之嶽岑兮俯泉瀨之磻磻穆窅眇以潛處兮探理  
窟之英邃合性命而論一之兮周覽陰陽之轉圜橫  
宇宙以長觀兮驗妙門之玄玄混沌及而天地覆兮  
堯桀泯而誰分篤述作以強志兮吾豈願來者之盡  
聞

緒寓賦

炎炎赫赫歲闌茂兮舟西驚而逆流途路艱阻渺以  
浩兮遘皇天之昧幽涉襄樊而濡滯兮時寒涼而雨  
霖水洶洶以震堤兮勢擊盪而崩淫龜告我以茲食  
匪兮望舊鄉培焉洪濤伊誰詒斯跋屨兮悵慘瞀而  
中忉栢陽日之旣冬兮爰誣吉而載牽駟牡旣秣余  
遭滯兮躋廢城之曲齧谷品形之流易兮賦吾性乎  
洵急進退拂以奔波兮名與德之不立惟騶驥置之  
椰間兮固狸鼯之蔑如孰孰成敗以律之兮彼亮飛出  
而誠愚旣矣夫捐身以西州知孰暇計完名而保軀昵  
世人之善壽兮謂吾皇皇一而求家尼聖尚有茲鄭門

兮矧庸鄙而過頗顧鹿山以凝眸兮壯江漢之繹  
緜跡心胡之偈兮精連連而靡憚效抽辭以明遠  
兮既道之陵夷偉龍卧以消息兮逢三顧而有爲  
往者吾不及之兮來者吾靡量苟得喪匪厥命兮曾  
賢智之盡庸寒周章以游志兮北風颺戾而蕭條望  
原野之滌滌兮薰臭奄而並燒善踽踽以奚恃兮憤  
壅蔽皎然莫聞牂矯情以迷浪兮戲康莊而隱身重  
曰陟樊城以還顧兮極南陽之未阡氣蔚鬱以騰摠  
兮星辰炯而下連慷慨者多戚兮怛循蹟而嘯吟盼  
白河之蒸雲兮俊中原之勁風天靄靄以翳翳兮白

日掩而西匿繫人生之幾何兮汲毀譽而縈臆

寄兒賦

正德七年秋兒枝以離思賦來獻予則作此寄  
焉亦教之焉

鳥來自北兮銜章進辭開緘覽意兮閱爾峻思賦曰  
風嫋嫋以先秋兮百卉改而動容時序莽其流易兮  
塊予猶獨處此異江地卑濕而蕪陋兮孤俵俵而寡  
仇愾直路之蓬蒿兮網紀壞而不修惟彼人之嫚巧  
兮謀妁約以先意衆瀾倒而莫之支兮昭余志之獨  
異陟匡廬以凝眄兮眺江介之孤城山合駁以迎日

方清雲曳而前征愴荆吳之渺漫兮波水淡而交漫  
瞻浮豫之逖逖兮情恂恂而濡滯日晚晚以既夕兮  
塵埃溢而蒸天役車載路而班班兮觀旗旄之翩跹  
悲時世之艱難兮詢亂離而爭奪兄嗟弟而殷憂兮  
軫汝曹之饑渴終風霾而四流兮冬不雪至於三月  
春遲遲以方陽兮民背鄉而顛越揮耒耜而介冑之  
兮青草錯而白骨鬱余懷以遭迴兮紛涕零兮如霰  
汎彭蠡以浮游兮天地昊其方且齊吳榜以前舫兮  
聊擊汰而容與余朝歷石壁之嶢嶢兮春泊陽禽之  
渚登隍岍以遼顧兮深林黝焉杳冥虎豹豸談以伺

人兮羣狐狸一而晝行哀死亡之無告兮橫屍蔽而臭  
野斯固易徵心兮彼益復孰夫乃奪惟以不除暴兮斯  
亂與亂相尋苟威信之靡忱兮吾慮夫悍叛之詭心  
宵攬衣以興嘆兮步明月於中庭挹河漢之回光兮  
數北斗之朗以星衝飈第以驚帷兮熠燿亂而當戶華  
何秋而弗雨兮木何蠹而罔朽上智者无幾兮厥邦  
保之未危何門白日之初照兮浮雲起而翳之玉與石  
豈難辨兮亦司者之用察也鈍超軼以无銛兮胡未  
之不可奪也替煩婪以蹇厠兮步高城以散眸誦昔  
者之怡豫兮丁内休惕之無邪駘余馬于梁之臺兮又

道遠乎大堤睨嵩岑之峻極兮覽長河之逶迤慨伊  
阻之自貽兮汝隔離而弗覲余匪貪厥好爵兮胡匏  
繫而不適江洶洶以夕變兮木葉下而海波召飛鳥  
以詒言兮訓爾音而永歌歌曰訶瀕洞以溷濁兮時  
嶮艱而路危羨龍蛇之伸屈兮傾哲賢之順時孔桴  
海而曾思兮伯陽西而流沙效梅生於吳市兮願抽  
身而舉遐奉前德以創則兮肇孫謀而奠家

附離思賦

正德辛未家君南游久別顏面愴惋悲思爰造  
斯賦以抒情焉並錄以獻詞曰  
子枝

陟繁臺以南眺兮思吾親之所止心於邑而內傷  
兮望番陽之瀾瀾冀音書之北及兮晴曾睨而目  
連憂孤身之遠託兮內崩裂而涕連秋霜紛以宵  
下兮寒薄軀其誰知路迢遞而莫至兮徒搔首而  
踟躕覩條枚之相易兮心鬱鬱其憂思哀國步之  
斯頻兮獨俵俵而安之何予生之不辰兮遭時運  
之迭遭寇盜起而猖獗兮孤城虛而將顛撫白雲  
以太息兮涕淫淫其巖霰望豫章以翹首兮天蒼  
蒼而不見憶朱遷之告別兮步予于而涕揮歷秋  
夏而不見兮心恍惚其來歸巖乃三星爛而當戶  
兮適明月之在天四肢委而莫舉兮魂爽飛而翩  
翩忽承顏于左石兮心肅肅以奔走每膺訓以唯  
諾兮忽張目而直購內怵惕以啓戶兮視明星之  
有燦心怔怔而未已兮據胡牀以待旦佩道德以  
遠遊兮固丈夫之所躄斷恩義而不顧兮豈兒女  
之所堪爰託茲以抒情兮泄吾心之鬱邑挽垂楊  
以三撚兮涕潺湲而佇立亂曰撫彼景物傷吾心  
兮思彼君子涕淋淋兮仰瞻明月光皎皎兮天涯  
眇眇同斯照兮安得羽翼翔南國兮

侯軒子賦

衆躁趨以幸成兮，至踰夷而競先。溷助勦以徑捷兮，率墮已而弗悛。彼靜者以天動兮，謂定者非我能逃。恒謙守而需袍兮，懼逆時而遘尤。體孔言以居易兮，遵孟訓而行法。謂非侯余何求兮，爰名軒而省察。軒吾罔徒處兮，名吾敢襲取。譬涉川而戒維楫兮，聊待時乎吾容。與夫桃李不能秋以英兮，桂菊春而豈華。彼萬物疇不然兮，乃欲速吾謂何。吾討典籍以娛日兮，探性命之幽願。冀河清之有期兮，幸耀靈茲而未夕。苟積久而淹貫兮，又奚窮達崇卑之足掛臆。

竹石賦

有杳者篠叢彼阿，徒置得地。孺以華托，想靈石發生。直翕颭拂樓翠，風閣長竿。嶢嶢翼紛若，裁以爲雙簫。雛鳳鳴任心吹之，靈霧生乘鸞挈友。騰烟霞初餐霞戲，委永無慮中虛。允直性介固。



空同集卷第二

賦一十篇

北郡李夢陽撰

送河東公賦

正德元年冬十月河東公以譴放還屬吏郎中  
李其作賦送焉賦曰

飄蕭瑟以感烈兮屬孟月之慄嚴霜淒清以紛下兮  
風薄戶而竅吟余戒玄武使先導兮飭冥子俾抗旌  
虬蜿蜿以服輿兮第長雲而遂征三台仄以踈闊兮  
北斗揭而望余颺肅冷以溲戾兮涉江漢之清渚悼

喉舌厥之厲兮攬少微而效光咎南箕之靡懲兮猶  
翕吐而簸張朝余發于星之墟兮暮弭節于冀之野  
谿谷捌以復陸兮草木落而茫莽獸驚人之跼竄兮  
禽枯桑而鳴號雪霰海而零灑兮氣泠泠之寥寥車  
輪困而不前兮心已逝而中留驂頓纓而蹶躄兮僕  
夫涕而長吁惟先生之貞嫺兮幼崇方而嗜修則英  
賢之遺孺兮志臯伊而願仇蹠泰階以承列兮秦尚  
陳而布耀酌元氣而執之兮冀容光之必照倚閭闔  
以徘徊兮憤漢臣嘗請乎刀壯埋輪之義力兮潛掩  
涕而憾遭惟封豕之崙崙兮彼舍問夫螻蟻豺狼縱  
之當達兮柰衆臻而終靡非幾不密固室成兮予良痛  
乎陳實之患斬蛇弗斷將自及兮誰捋虎鬚而竟安  
曾闔仡仡之巖巖兮浮雲蔽而四舉玄螭九首蠶蜒  
垂涎兮守門嘻嘻而目余進既無以自明兮湊弗知  
其退之所營紛構誹以錫訕兮謂余亟之而亂程吾  
豈不知詭遇者易獲兮誠嬖奚之攸耻同者就而異  
者償兮孰孤持而弗三褫策鴈行以前路兮背陰朔  
之塞疆馬騰攄以龍奮兮望山西之夕陽毅昌燕而  
卒逃兮叔向飛語而拘纏荷白日之曲照兮迺茲焉  
反余初服太行岑之迤邐兮岳壤盧而起伏踐桑乾

之唯凌兮冒涿霧之綽約爰十步而九顧兮九門漸  
而造天霓連蜷以上驟兮爛躔緯之錯連軫紫庭之  
多麗兮冠珮者至三千人步微風之珊珊娥眉入室  
女斯妬兮厥亦世之故也寵移者訾必加兮矧吾皓  
首之怒也企降覽之中反兮又鮮妣爲余之容思伊  
昔之來墜兮內崩剝而自訟沿易濱以不于兮泝金  
臺兮遭滯嘒於期之皎節兮鄙荆氏之沉志謂圖窮  
而事至兮冀戡贊而必擒謀之人成之天兮竟墮首  
而廟心哀壯士之不還兮躡殘壘而逍遙野曠曠之  
千里兮寒風唳而蕭蕭天刻刻以梟宰兮日翳翳而

深兮薄林壑之慘闇兮拂隆冰之積霜聆頑鴟以林  
岌岌兮岌岌之荒眇川蕩搏之赤赤兮鼪狸窟而嘈  
嘈兮漚漚之佚佚兮駟遑遑而解息召豐隆翊余蓋  
兮喝飛廉而疾馳揚滹沱之文舫兮驟井陘而單騎  
偉左車之雄視兮唯陳餘之褊意張生旣收厥綬兮  
趙由之其邦以喪陳于獵于南皮兮漢龍興而虎翔  
惟休咎係之數兮大風起而潰圍苟增老不之疑兮  
豈張韓之獲爲彼荏苒固膠合兮孰鯁直而罔殆展  
氏介而三黜兮遽瑗奔而再危險壽徐以橫目兮快  
并州之舊鄉巨墟曲之災亂兮采茹慮於汾旁霍岳

岳以迎幟兮桂樹偃蹇而俟余狎斑豹于岫際兮釣  
淪淵之秀魚準歲功以消息兮御陰陽以卷舒追赤  
松以授要兮從巫咸而卜居亂曰明明日月奠天維  
兮太陰四塞孰將夷兮陟彼寥谷望河漢兮上無舟  
梁眇淡漫兮嗟我寡翼安能厲兮顧瞻北斗中心惘  
兮忼兮慘兮聊以卒歲兮

吊申徒狄賦

申徒狄諫紂不聽乃負石沉河而死

覽洪河之吐噏兮洵欲濟而無杭物有離而不回兮  
勢有激而難當劇厥人之抗行兮羗自沉而弗疑恬

齋志以長畢兮庶聞者其猶悟之彌六合以設弋兮  
鸞鳥騰而不反蛟龍沕以避害兮惟恐去之弗遠不  
吾知其亦已兮何荃之忽焉而莫斯睹監四方以求  
索兮孰聘美而釋女曰羣汶汶以清濁兮班予馬莫  
之適也衆披離以障之兮又入而莫之白也進惴惴  
余瞿遽兮固不若死之爲安寧負石以葬河魚之腹  
孰忍利菑而盤桓竭誠信以諫君兮及罪過又謂欺  
惟堅僻之類忠兮任飛廉而不疑余固知佞媚之能  
周兮磴秉質莫之移也介塊處而無營兮又衆人之  
所咤也既謂干爲忠兮胡又附雷開與惡來既曰切

人微兮曷不委曲而導之悲時俗之顛倒兮先生獨  
遭遇乎此時燕雀烏鵲噪堂堦兮鸞鳳出而見縻纆  
余知材朴之爲崇兮廼強而不謂之信然苟作善降  
之祥兮彼梅伯又何以顛捐規矩以改錯兮斯固時  
之態也荃旣與彭咸齊名兮亦何必怨此害也鬱終  
古其侘傺兮替悒悒之不可平循削岸以遄迴兮戒  
舫船余怍營泝河流以投辭兮氣紆結而填臆慨往  
后之迷誤兮社稷顛而用屋重曰昔有大夫曰申徒  
兮懷瑾弗展負石投河兮寃抑內憤靈汎濫兮湍顛  
磕磕愁人心兮忠回倒植固庸能忘兮嗚呼先生女又

懃兮伯夷子胥與爾爲類兮

弔康王城賦

趙宋高宗爲康王築此以拒金人

隴側桑以歆根兮颶沙慘目而瀾漫勢斷屬而連天  
兮寒蓬卷而翩翩覽靈波之汪洋兮惋九河之善崩  
臨決口思前往兮尋北原之故營塹湊沒不可見兮  
莽千里兮繁蒿旋風四起埃飛蔽日兮鴈失羣之嘈  
嘈怒壹鬱余顧懷兮夕駐馬乎河之渚想張韓之旆  
旆兮望朱遷之雄壘嗚呼哀哉兮山陵委棄江介是  
都登佞黜良兮社稷丘墟宮殿瓦礫兮二聖爲俘嗟

嗟彼何密而茲何仇復執迷而弗悟兮汚分疆而取  
憂

弔于廟賦

正統己巳之變少保公有社稷之功

棟宇頽折兮四顧無鳩雀鳴噪兮雪擁其門風衝  
激以拂帷兮慘九州之肅冷軒長河以飲景兮飛光  
至而舒靈何先生遭不造兮定危邦而永存用才者  
終固鮮兮孰震滿而完身顧信宋京兮追念雙帝組  
頸爲虜兮單馬北逝虎臣視而誰何兮英雄竄而遺  
蒿有憤壅蔽而發瘞兮亦有垂成而反被劉嗚呼

生瓜敗難以逆度禍福不可豫謀死苟足以利於國  
兮洵蒸醢而焉求

弔鸚鵡洲賦

承 帝皇之嘉惠兮荷在陋而明揚信枯楊而再

華兮懼身微而命彰歲協洽以南驚兮觸炎日之盛  
陽浮江漢以長邁兮過夏口之故城洲蹇產以隄隄  
兮劃衝江而絕流觀佳名而中惕兮弔斯人之不修  
我旣佩明月與寶璐何不遂凌世而高步含玉駟而  
不駕兮又奚暇與豺狼而爭路惟聖人之貴時兮神  
龍豈人得而縻彼鸞鳳之謂瑞兮固亦以其高舉而

見希何先生之靈輝兮獨不深藏而遠游也  
偈取方以捐育兮吾恐睿者之所充也  
繫炎鼎之既淪兮世滄濁而崩改  
操梟視而虎噬兮祖又會夫厥土  
荃縱不甘心於厥儔兮獨不可色斯舉也  
峴峴者將必缺兮余固知仇者之不與也  
矯吾權以淹留兮情覽望而增傷  
靈恟恟而如見兮聆湍瀨之浪浪  
山壘壘以來合兮孤墳鬱而塘嶂  
誦英篇以沉顧兮痛翠禽之蚤戕  
物有以舌羈縛兮人有以才墮身  
譬用機各攸當兮恨見幾之不先  
心屈佛以悒悒兮翳營營之不可  
留沛揚機以東進兮順武昌而下舟  
溯巖岸以却

視兮投哀些於斯洲

哀郢賦

嶮嶮崎以旁靡兮困京顏之崒嶮  
隍壘齧而湔沒夕飈勃興兮  
闕鞞水鳴叫而巖斬覲教墳之  
嶮嶮兮躋莊王之登檢泊石城以  
盱眙兮望江陵而涕流壯洞庭之  
淼晶兮槩江漢之玄洲掩陳蔡之  
弱郭兮控荆揚而上游俯灘瀨之  
淺淺兮傷楚平之破丘伍員奔吳  
兮屈生浮湘懷竹罔返兮厥民用  
喪蘭臺肆侈兮玉差進淫陽春消  
歇兮黃鳥沾襟陵井塌而狐穴俾  
人哀而迄今

汎彭蠡賦

正德六年夏五月李于赴官江西南道彭蠡之

湖作賦曰

仲夏悃悃兮湖水洶洶  
戒餘舟而逆進兮志定意恐  
朝發湖湄兮巉石纜在  
軍搶帆午張兮陵急洋而縱船  
洪澇吞吐兮杳莫界以  
際炭漫瀆洗神精搖兮浪起伏  
而來曳曩余誦夏記而興  
麗經兮識彭蠡而心慕繫厥  
水集流夥兮挾十州川而北注  
合岷江東之爲東江  
兮脇揚吳而騰海包  
亂放淺而瀦之兮撼匡廬而使改  
誰據巨者附斯衆兮  
世仰之者驟必溢彼何怪弗之潛

兮抑何摧而靡殛射者萬鼓之千兮業  
以豁虛望之  
趨澎靈崩以箭疾兮勢嶽頽而電舒  
匪莫究始兮散流察其終龍蛇逐之何載  
兮至今窟而以宮祈之錫嘏兮侮之掇  
昔怒之風雷愉之霽兮亦厥靈之攸逞  
潮峯峿以歷閔兮倏當晝而忽陰上下  
旣顛置兮孰又辨昕昏與北南睇衆山  
之劔嶺兮爭負高而竟降閔膏麓之淤  
澱兮奄焉墊而爲江綠木末而巢室兮  
民浮居而舳艫悼隻雛之寒嘯兮寂  
岷濱而守爪亂左蠶之沸沸兮壯康郎  
之浩汗濤沃日而明暗兮鬱島潛而渙  
散瀾已俛而復昂兮渦溢凜而接連瀧  
無風



以橫飛兮潭澄滄而布連龍夭矯以戲灝兮粵枿汎  
而吹沫芄漉沕之昧昧兮魚鱉貫而鱖鯪具區洞庭  
方余不暇兮懼九圍混而黜冥苟清濁軋其頽頽兮  
聖愚一而泯靈胡弱草丹而華兮及泓棲而矜彩鳧  
訖龍鬚兮蘆葦菰繁其被汀兮紛振翰而雲駭彼陽  
鳥旣逝兮鶻鵠嘻而專已羈水馬以闖犀兮蛤又濡  
珠而曝殼詭殊錯以跳踉兮有曲牙而鹿其角旣逆  
鱗而返舌兮復獺首而象鼻汗針尾而戟鬚兮族鼯  
鼯乎濟濟誰非含生而願遂睹彊柔之鬪噤兮唾陽  
侯之懦怠縱鯉鼃之恣肆兮甘失職而蔓災虞坤漏  
而陸沉兮儵一嘆而三泣域吸飈而排砂兮時負渚  
而人立濺雨迸而冠岫兮岼衝撻而壑落詫妖譎之  
多態兮塊械促而心愕瞬兮異覲恍兮變索究之詠  
奚以兮聊戢械而遊淫夕曷小掣以波下兮石鐘磳礪  
而竅吟追三苗之即敘兮曹文命之訖敷彼九江未  
之殷兮余誠憂鬼類之聒呼迺撓人之罔諳兮祠九  
首而丐邪愚者吾靡疵兮鄙明賢之用頗景神姦之  
勤算兮數歷鉉誰弗竟危翹一廼支祈倔強伺間兮憚  
臨湖而嘯悲

觀瀑布賦

空炎陽以北邁兮遡敷原之上  
一疆遵嶽南而遐陟兮廓晴流而志揚  
日旒旒以景旗兮嶰崎嶇乎微行峰  
吞吐而迓余兮嵐捍翕而颺路超歸宗以翹眇兮觀  
開先之瀑布論前記而髣髴之兮眩飛空之孤形誦  
銀河之逸句兮精陟天而九征挾巖潭以上氣兮接  
神漢而並垂積雲左右以傳彩兮霞表裏而秀姿沫  
霏霏之晝霧兮岷丹翠滌而蕤以蕤光金黛而亘霄兮  
浩呼洶之湧湧龍朝帝以潮從芒丁虹爲梁之總總  
若華以西曜兮東扶木兮倚明旦壬辰涵而布錯兮岳  
瀆影之其中絢練恍惚百恠潛兮一勢明晦而無恒睇

之若住忽奔噴兮石雷壑而驟崩經香鑪以慰紫兮  
破雙劍而冰攢踰黃巖以珠迸兮籠玉殿而金煙灑  
炎女之玄髮兮苔離根而求生掛洞宮之暮暮兮隱  
芝箭而懷情沸混混之爛爛兮颺瑟馭而涼風泉滾  
滾而安竭兮孰尋源而卒窮悲劃劃以縉紛兮渥華  
巔而分派水簾谷簾亞之揚兮靈終古而并戴魏欽  
岑而上行兮疑質違而性非蒙并厥流常兮譬鍼顛  
而血隨吞日月以膏顏兮震靈氛之翼翼江海巨而  
昏墊兮哀趨卑而罔直體融陰而內陽兮準坎離而  
向背嚴不蓄類迺澤物兮醜彭蠡之汪穢浮朱鳥之

寒景兮爭龍騰而攄掣擊高者韻斯宏兮谷哨喙而  
坤圻赫翩翩以倏眴兮小鴈蕩而不砥露霜霾而離  
離兮處遼域而孰知怒琇罕以思逞兮石岵略之惻  
惻晴電追之霆突兮信駭觀而搖臆猿纍纍以竊窺  
兮倚石鏡而呶嘯燭灼矐的皪佼兮類至人之懸  
照肝颯迭徠兮翔太始而留耀歌曰造龍池而印之  
兮究瀑布之肇踪巔湧而壑射兮誠神靈之攸鍾轟  
邇惑而遐暝兮壯二儀而未效磬鬼恠避鑑蓋兮微  
瀑孰以察逝者之高妙伊動者必定兮潭宵沙而淵  
壑礫之灑而寧之清兮厥金水之共質亂曰相彼山  
泉滌滌澶澶勿谿朋漣洵遵科以造海竟隨流而泯  
瀾觀厥瀑之靈詭反羣詫而背誹吾苟若天地以遺  
聲跡亦奚暇校高下與孤疑

泊雲夢賦

將超野豬之湖風西而阻乙丙丁戊兌颶颶  
旬餘轉迅問之老人曰此南陽之風也厥陰始  
生應諸少陰之方

幼余紛以好覽兮懷長風而浪濤夏匯液之浩浩兮  
阻雲夢之逆颶哀南紀之攸墊兮包荆衡之衆山貫  
江漢以爲絡兮勢朝宗而播瀾翼潛沱之翩翩兮掖

景陵之峩原吞沔鄂之曾隰兮滉逶迤而炭漉坻岨  
岷兮掩翳橫余前兮蒹葭紛而蔽天月重陰以繁雨  
兮駭厥鴟爲之先鳴邁大別以悠泝兮遘少陰妬而  
用情次大澤之巖隘兮睇風雲之正征惟彼斗酌而  
靡均兮縱柔金以嘘吸孤心昏以徒爛兮趨西流而  
避及覽萬情之翻覆兮爰背坎而向離指朝景以辨  
位兮定星辰而訊期極明晦之變態兮盡洋滂之淫  
淫倚舫牕以凝睇兮數周圍之峻岑勤伯禹之土义  
坤維奠而至今情瀟灑以無依兮聊言昔而周章慨  
五湖之見幾兮詠孺音於滄浪胡洞庭之險慙兮三  
苗區而蕪滅舳艫蔽江以下來兮孰攘攘而非衣食  
往者既不可追兮吾寧俟時而矯心掇陽濬之文具  
兮采芳芷於漢淶龍擾余以負舫兮珠夜游而光吐  
憑烈性之難抑兮淚浪浪隕而思古誦曰昔有郊郢  
厥惟楚都實邊雲夢百雉其郭何材弗殖寶玉明錯  
魚鱉麇鹿於初訐訐麇麇甫甫齒革毛角有茜有堊  
各以類積礧礧岳岳服食之屬葶苈絲葛甘鹽苦酢  
靈餌珍藥觶弩勁斡犀甲狼毒王府充溢宮室棺槨  
商旅沓至貿遷繹繹漁牧諧足鳴琴卷号國以富强  
鞭撻晉秦挾鄭狩獵出入二藪旌旗千里戈船璘玢

金銀璨璀倏眇忽閃獸柴鳥墜追者稱善後王何道  
游關靡返懷沙奮辭邦墟憐旋

漢濱賦

余過解佩灘憶交甫遇女之事於心感焉作漢  
濱賦

夫何二女之頎麗兮遵蘭皋而並翔順微風以鸞顧  
曳文袿而交揚躡雲鬱之華履皎羅襪以雙步凌漢  
潭之漣波掇瑤草於芳露態婉嬈以窈窕情同嬉而  
中乖超灼灼以齊赴忽含暈而怨偕眉疑低而復伸  
唇欲啓而羞面嗟巧笑以回瞬目盈盈而流

驚鴻恍若裊電仰西方之纖月悵邂逅於嘉夕足將  
移以躑躅魂已逝而聿役乍多露於蔓草矩漢廣之  
貞游戒有粲之奔密慕娥英於湘流揮柔袂以掩涕  
寄朋素於明璫效鷄鳴之贈珮厲霜心於鮫光倏潛  
耀以莫覲撫衝颺而懷形睇征雲以西迅裛飄芬而  
淚零面三星以申詠痗朝陽於首疾伊綢繆之幸諒  
詎穀焉而同室

空同集卷第三

賦一十五篇

放龜賦

北郡李夢陽撰

畜有二龜李坪驛俯長江之流目發育之溶溶  
怛然有傷於二物復思趙抃放龜事千載同懷  
爰放二龜於江潭已作斯賦比興諸義聊抒鬱  
志非諷一而勸百者擬也喻兒子亦作

精網緼以游魂兮各舍和而構形何茲物之詭異兮  
獨神超而蘊靈準麟鳳之隱見兮呼吸陰陽而卷舒

善伸縮以遠患兮匹神龍而水居嘆賦命之多蹇兮  
 遇置網而見執家君子之珍視兮戒航舟而並畜仁  
 人細弗棄兮迺伊欽余之素貞曰雕籠豈林游若兮  
 爰偉賢哲而用情譬機羈之願脫兮慮曳尾及而遲  
 暮俯洪波以余縱兮瞪長江而徑步歌曰醜混混以  
 流形兮執厥龜而副嘉外負介以昭武兮內文柔而  
 靜遐體穹隆以則乾兮履坤方而祛慝鄙饕餮之諛  
 世兮寧吞浮而飲息沐澄冷以棲寂兮戢潭荷而保  
 身文於列以布象兮色蒼古而珍璘景至人之赴  
 兮將剗中以効誠怨穆卜之靡諧兮懼捐軀而莫

賡歌曰江滔滔以東下兮兼葭莽而波濤幸已縻而  
 終逝兮劃順泛而長逃念曩昔以中惕兮數惟拘縱  
 之所殊思范楫以依徙兮願附孔而海桴鳥故林以  
 悲鳴兮獸躑躅於前丘軫宿莽以迴透兮躍瀾溟而  
 涕流亂曰聖欽元龜戒朶頤兮十朋四靈榮以時兮  
 淵潛罔沕出斯縻兮求仁見夢厥無惑兮剗腸灼螯  
 爰奚益兮謚兮龐兮齊天地徜徉兮

附放龜賦

子枝

斯螽切股厥鳴始鳴爰誠歸而西鶩迅遵江而上  
 征風潏浦瞥蘄黃甜李坪於是畜有朋龜大人放

焉召枝而觀而慨茲物之更生焉龜則超波驚顧  
若刺沈淵復出昂首雙煦盤旋中迸復還疑欲有  
言聊爾撇逝若懼繫牽何物類之細微知含私而  
感渥雖靈詭之信殊請探臆而布欲萬物變化兮  
厥賦齊均惟龜爲靈兮蘊竒藏真深游寡欲兮與  
物無爭清素自守兮純陰其精負軋履坤兮八卦  
成則伸縮配時兮龍行麟德厭彼污濁兮服氣求  
考吉凶能前兮與鬼神乎消息願邁時以攸托兮  
志剗體而靡悔類哲民之殉國兮甘礎鑊於九死  
聖重之而錫貢兮陋文象之南金羗何用而不求  
之兮亦胡動而罔欽魯希之以憬夷兮禮兵以  
決策武定鼎以寧家兮每登螭而敬卜遐惟厥功  
匪不偉兮痛神離而不谷矧時俗之苟且兮恒去  
誠而三瀆撫芟荷之荒寂兮棲蓮葉以徜徉寧與  
泥淖蟻蛤溘焉畢命兮吾豈慕墀陛之炳烺懼漁  
人之嚴網兮恐苟驅於輕絲跂延脰以愴惘兮保  
太和而遠之分子予身之微卑兮大不足以中度夢  
元君以脫之兮傷予靈之不預紛忻悽之難逆兮  
倏偕獲而並拘思曳尾以躑躅兮甘楮牀而允枯  
幸君子之廣愛兮溥溫育於纖小飲予以潭之芬



兮騰予以華清之沼快遭逢之罔偶兮詎存濟之  
敢希願從之以兆齡兮冀斯心之我知至人大觀  
兮體物以仁視彼同我兮惠和而均諗細質之焉  
補兮臨漪湫而縱予顧濤瀨之洋洋兮時懷泣於  
芳渚白龜放於毛氏兮嘗食報於冥冥買龜以脫  
之兮亦侯封而譽成將效茲以酬惠兮非大人之  
攸望不疑何卜兮矧禍福之無方誠人心之有定  
兮循民理而不慝天雖高而聽則卑兮竟數筭而  
載悅憶前轍以戒後兮矢韜輯以滅跡之盡任其  
橫突兮吸澄淪而靜之靚惟魯果之層設兮理雖及  
千尋之淵卽馨餌遍江海兮力豈制橫波之鯨鱣  
亂曰南山兮有巔微君子兮孰仁我淵萬年兮純  
嘏子孫兮永延

大復山賦

夫大復山者荆徼之名山淮實出焉淮過桐栢  
始著於是禹道淮桐栢始淮山二精發於何生  
產諸申陽何生於是自稱大復子實非遺淮要  
作攸先焉耳余珍其人爰造斯賦不煩諦瑣義  
意畢矣然辭猥調通知音君子諒有譏焉或曰  
此山胎簪亦其名云

噫吁戲厥山峻崛拂兮填鴻龐而導九川爾其巖巒  
隗隗崆嶲巍踈增峯重萃合沓蔽日曲勃焉安連巉  
巉而棧棧迺有危峯七十崑岵岳岳峭嶮岿岿松栢  
蒙焉千里望之蟬蛻飛飛兮若闕龍之附於天也頽  
而察之萬山駢戢劔森戟攢爛若踴蓮下則無底之  
谷呬坤維而曳玄淵音盤古氏作茲焉用宅是以濁  
清判三紀揭頽洞開明劃日月厥山旣形餘乃發故  
爾上冠星精下首地絡聚膏以爲崇溱津以成川竅  
若浮肺萬谷滷旋神瀑湧焉飛流崩崖走壑蹴石噴  
雪釘鐘礮砰鏗錡迅霆擊虹震于太空若其勢磳磅  
鬼而祭孔門諂之某職叨佐邦靡敢弗經也以  
問其守守曰敢不惟程問之校校官若士曰程  
敢不承察諸民民翕翕欣若有興也於是廢其  
廟稱書院焉而祠有虞氏於內曰蒲舜都也配  
以夷齊從以王薛左之名宦右之鄉賢量宇聚  
徒區田祀養考鐘伐鼓視履迪業李子聞之曰  
善哉呂氏知教本矣夫驅邪以端拔恠以常伐  
慝以昭破淫以義是故君子之於邦也不患不  
從而患弗躬躬義布昭敷常表端以是而教鮮  
不率矣何也四者其本也然又斷之以獨協之

以同行之以勇迺奚往不濟矣夫淫祠罔福故  
鐘巫禍隱神降亡號往鑿具燭然河投娶婦祠  
毀妬女世每罕聞何也怯者怵于利害疑者沮  
于異同庸者安于習俗才者憚于改格故曰非  
勇何行非同何助非斷何成三者既獲四本迺  
立然後經定程堅教斯興矣是故君子不爭而  
醜莫不同不煩而衆莫不從標立而影隨近聲  
而遠應凡以是爾李子曰余爲呂作賦將以比  
音搞調泛絃流管俾大者歌小者哦觀者采焉  
陳之太師爰知蒲政賦曰

帝炎氏之蟬聯兮厥岳四而布分龍九川以蘊根兮  
中敷葉而竟芬翊華蓋以陟降兮邁白日之既夕忿  
攬槍以抗言兮帝乃怒而遐斥攬余轡以周游兮登  
蛾眉而縱觀睇魏廟而增欬兮愾下淫而上殘曰巖  
巖魯所瞻兮嗒胡爲乎蒲之壤非其鬼而祭之諂兮  
曾謂泰山不如林放惟時俗之詭譎兮恒造恠而亂  
真日隱求以僥福兮徂惑羣而誤民宇噦嶒以嶽立  
兮岩廊翼而雲構既竊號以據要兮復創形以之鑄  
鏤內泥苴而樗惡兮外猙獰而儼嚴冒衣冠而土食  
兮燁朱楹而繡簾龍蚴螭以梁騰兮獸夾隅兮躩踞

鈴峇臘以簷鳴兮幢纒紛而旖旎執命柄以消息兮  
握陰陽而運樞怒之雷霆悅春陽兮役鬼神與豹羆  
生吾生而死吾死兮謂苦樂死而遽殊苦桎梏以傷  
憊兮樂羽葆而駟輿衆駭心以搖目兮伊誰辨渠之  
假真民溷溷以朋從兮憧情迷而喪身蹇予予以攬  
涕兮哀斯人之無知軫聖者之故都兮蓬蒿鞠而徑  
岐山四雲以波湧兮日耽晚而就沉河洶洶以趨下  
兮松栢暮而風吟班余馬以北首兮望九天而魂征  
招飛虬駟而上訴兮閭闔闐而晝扃余回駕以東指  
兮薄日觀而聊憩願釋誣以祛穢兮岱謝余以弗哲  
逆折狀若胎簪嵩首殿其北荆沔包其南右標熊耳  
之嶺左朝桐栢之山其陰則凝冰積雪晦明倏忽翠  
峯陽遊颺吸歛重黎攸宮東有日華之林陽  
風西則涼霏素露淒淒清珠樹粲英若爾材  
村浮雲寶藏蕃興騰氣簸氛至其觸膚寸而起也攏  
攏乎波駭山靡不終朝而天下雨也於是生人立禽  
獸伏草木殖靈芝秀宮闕醴泉噴其側於上則神鵠  
威鳳翱翔吸甘華百鳥從之振翰若雲中有玄熊綠  
羆騶虞游麟猿狖麇麇百千爲羣樵採牧獵之子唱  
歌出林響振峽谷咸蹠躡迸逸不見踪跡於下則長

淮發源配天迪坤混混汭汭江河並尊受珪上帝疏  
穢錫存乃有祈靈丐禧梯航而來沉玉瘞壁闐塞路  
達若爾幽崑之栖真兮三三兩兩御風轂抗電旌左  
控白鹿右翳紫莖燎兮若將逝遭延立迴風淹留兮  
攀林薄逍遙兮山中於是稱曰春草兮萋萋思公子  
兮傷悲君處叢篁兮終幽險虎豹暮咆兮蛇虺詭譎  
公子兮歸來雲冥冥兮石瀨潺湲

河中書院賦

鄉人呂氏以諫官謫蒲蒲故有廟娥眉側祠太  
山也呂至移文廢焉曰山川之神祭不踰境非

沛蒼野以遼邁兮即重華而跼陳靈總總以騰陟兮  
爛北逝而後先臨舊京以遭延兮倏若去而中留颺  
拂巘以明滅兮右涉瀨而夷猶埽除兮蕩滌清宮兮  
供張風泠泠兮入牖神陸離兮果降羅桂漿兮椒食  
琴瑟作兮鏘佩玉恍彷彿兮莫親工祝告我兮顯則  
曰俗不可戶說道不可塗求端物者端已治人者自  
修二氣推盪禍福倚伏時罔常泰日中乃昃王革以  
義霸救以力巡守廢歇明堂載黜爾乃七十二君封  
禪侈矜玉符金檢顛岬是登夫習沿於襲勢積於成  
昭縮以獨愚淪以朋踰分之祀匪今則承立經斥妄

言諄志勤爰惟政本氓哉爾欣

朱槿賦

司陽兮煽烈涉秋兮逾熾覽逝兮中蘊游物兮榆志  
躋庭木之榮麗閔含芳之不修傾朝曦以擢華夕景  
至而隕枯伊賦形之靡移諒天道而奚私幸見標於  
哲典厥登詠於刪詩何有性而易遷恒隨所而盤據  
條荏苒而孔弱葉縈陰而繁布蒙薰風之拂披爰修  
妍而運縟旣抽鉛以剖絳遂希芬而效馥濡溥露以  
膏韻藉垂光於杲日熨炎陽之靜彩裛絕代之英質  
態疑層而遽損媚若歛而復出光飄灼而靡定恍若

流霞過茂草爛若慶雲遊春沼宛戀窈窕睒睒縹緲  
或爾托文堂之隙寓奉君子之榮輝側朱陛以敷蔭  
競葵榴於赤墀屈纖枝於皓腕微瓠齒而清歌嘆形  
微而寵重屢回笑而增醜天暮日夕顏銷華落辭高  
墊卑飄蕪汎濁檻塵池緯撲簾續幙或委空曲或飛  
土苴颯叢迴波蹂踏坐隅觴停鐙昏主倦客煩鳥覆  
無序折釵碎鈿几席狼籍命駕歸旋於是棄媵擯嬙  
愁女怨姬出幽房步苔階搖金局吟殿月掩團扇而  
涕零徙長門而望闕攀斯木以凝眄掇霄萼而中熟  
足將進而踟躕立長廊之肅陰軫蘭臺而首疾外增

城而痛襟思愴恍以攢內泗交頸而淫淫嗟容色之  
難恃慨懽懽而異營佩薰芳以順委庶生榮而沒寧

感音賦

夕杪春之嘉月美桃李之芳陰躡飛陛之微霜仰天  
漢之橫參切逸美而駭顧識六孔之流音起於綠波  
之濱翔乎綺旒之林芊絲乎縹緲放肆而瀟紛激禮  
軒遏行雲遘迴風以中絕鬱哽咽而斷續詳乍浮而  
乍沉度情回而思曲積憤迅發金鐵齊鳴壯士怒而  
髮豎若石裂而崩驚逐臣嘆而子孤子呻而竊憐  
爰抑節以徐訴信悠然而誰宣類慕仇之隻禽悵山

危而海深離虬舞而不持發婦啼而夜吟託黃鐘以  
根奏旋少陰而寂寥衆淹泣而不忍精慘惻而魂銷  
思歸跡以寄懽軫天路之昏邈苟浮雲之足攀願假  
翼中約誦春陽以增歎懷冲調而鍼心情氤氳以  
中結神恍惚而外姪外姪兮躑躅若臨水兮將別遵  
大路以翱翔摻垂條而采折期布志於情親懼馨香  
之易歇詠落梅以自明幸傾筐之在挈誠蘭質之見  
珍畢余身以長訣

嚏賦

人秉陰陽皮毛肺兮六淫相薄風斯嚏兮彼我牽念

噓亦至兮靈往精徙固以類兮逐臣兮江濱放子兮  
辭疆思鬱抑兮內結嚴威慘而肌傷想懷沙於夕風  
履中野之晨霜涕噴迅而染鼻涕交頸而浪浪疾有  
幸而甘心情有離而中還嘆終風以踟躕爰託聲於  
願言步嚴殿之蕪苔曳迴颺而影旋幸回光於一噓  
倘顧笑而申懽痛華絲兮衆進懼黃裳而永捐

鳴鶴應鐘賦

惟懸金之奏響或宣晨而報夕旣朋趨以典列爰計  
晷而旋服何茲禽之抱慧矯圓吭而振羽驟回颺以  
衍衍改浮雲而望翥應昕昏以引唳暢幽積于清吟

衆喧聞以畢日孰詳忱而撫首步踈樾以延志歷堂  
陰而俛喙怨情遐而跡凡恐雷相儀之未濁豈予居之  
未擇諒時命之靡齊悵玄圃以孤逝匹文鸞而接飛

觀禁中落葉賦

飄渺戾以寒肅兮廊宇靜而蕭條覽宮木之墮零兮  
哀貴賤而並凋辭珍柯而永絕兮邁回風而吹舉撼  
金鋪以撼颯兮排紫闥而求侶焉長蹊之所接兮倏  
激響於青雲襲日月之未耀兮攬玉階而委身譬賤  
士之利賔効琛贄而熙載離鄉土而遠適心縈思而  
搖旆忽兮若聚儻兮分散儻碩果之見知即萎離其



何惋

惡鳥賦

厥何巨之最醜爰賦形而不淑毛拳跼而頸豎兼陰  
 陽之奸濁體癰腫而截瓠唯鈎喙而鬼目誠昏譎而  
 妖穢枉氣化而生育恒聞聲而罕見畏衆鳥之追搏  
 懼杲日之融顯羗宵征而晝伏棲託軀於惡幹浴刷  
 羽於汚流嗟錫腐之是飽棘墓門而巢幽旣寒炎而  
 罔識詎孝友之能服羣磔母而始習雌同卵而求匹  
 昧懼嘉之美音乃前凶而豫稜集何方而不惡鳴吉  
 進而承吝君子獲而外咎小人遭而中鑠恃詭秘而

靡如愈騰驕而翔虐上帝握令神明予奪豈曰不知  
 庇此於族無因獲菑賢弗有祥過遺之音夜誰可防  
 周鴉哀訴賈鵬嘆傷帝曰人命有初禍福不爽禽得  
 氣先於豈女哉

鵲賦

有翩翩之珍鳥秉陽剛而含哲擇喬幹而託處信于  
 飛而頡頏性靈達而好靜恒相時而豫移知多風之  
 害慮則徙巢於下枝善傳祥而遞音類明士之幾悟  
 遠林岩之遐間遊庭松而棲寓虞矰弋之見尋於君  
 子乎是依飲九霄之曙露啖嘉實之離離黃鍾厥月

天地閉藏雪霰紛其交下烈風嚴而雨霜羣植寥乎  
未折諸動潛于深密羨斯鳥之前覺獨銜槁而營室  
窪象天體方則地矩義備晦明智敵風雨諳擊衝之  
玄括背太歲而啓戶諒綢繆之軫心黯拮据而誰語  
嘅春陽之未臨聊俟時而共嬉感主人之隆篤戒彈  
矢而罔欺步玉除以俛啄微風跋而自閒冀融景以  
驟躍昂清雲而拂旋激神化以耀德逢印赦而幻遷  
庶遺安於衆鳩順天命而自然

螺杯賦

左參議屠君宴客出螺杯焉天然厥形精瑩異

常屠君曰螺江物也得諸漁人托之以金可注  
可飲稱杯焉右使黃公見之喜不自勝昔素於  
酒溢於是則連飲數螺螺迴酒不輒醕也黃便  
仰唇傾務盡之許詩贈螺李子子作賦賦曰

何物詭形旋尾敞口厥腹彭亨藏深廣受若仰復翹  
匪方匪圓珠姿瑩澈質脆精堅五色文錯素浮擅焉  
扣之金聲玉避其温令華結液海鱗疊紋苔潤浸積  
幽光吐吞昔嬉大洋今佐貴尊違彼龍窟媚我綺帶  
枯殼不捐主人優渥鑠金靡執墮指罔裂天然逞殊  
焉雕焉斲疑如竅壁映猶飄雪公輸無所措其巧玉

爾祗自慚其拙鳥履雜蹀堆腥蹂鮮瑤爵登几飛觥  
四筵釀不及寫揮毫吮誼螺於其時傾之不醕頓之  
靡安心焦意煩宜瓶壘所笑而觴解居前也才會俊  
集風榭月夕崇潔進高揮鏤擯琢軒彼黃流螺以壽  
客目悅情愛悟義推德納洪舉輕類有餘今飲不輒  
罄藏若愚今屢傾屢至來徐徐今非藉弗安相厥處  
兮外瑩內虛以授爲容兮旋形錯彩潛友龍兮吸月  
之華奴蚶蚌兮翔于澗溟瑞由江兮委身君子俟時  
庸公

貢禽賦

異乎翩哉黃旗南來海竒越珍鳴舞伊軋戲船續紘  
毛羽絢爛走飛緇緇美妙極臻步止異常巨細情態  
駭人哉則秦吉了畫眉山鵠五色鸚鵡番雞孔雀綠  
鳩火鳩白鷗紅鴉猿則金絲通臂猱狄獼猴小大什  
伍有朱喙丹距玄體白趾絳冠翠衿黼黻相倚蒼黃  
文錯頸繡練尾紺目巖額金花鐵背旋如雪迴並猶  
錦聚詭質慧心巧舌人語清若笙簧睨滑瀏爾其  
選山澤設長羅搜妍迹捕流影購工懸賞效獻思逞  
祖禡偕作劇閑齊警萬人波逐千騎林騁下無跼獸  
上無康翮十百獲一地搖天仄於是飾雕籠裝寶絡

戒虞官慎水食有山林之所未有食人之所未食而  
乃辭島邦別瘴隅道蒼梧逾番禺入江湖歷荆徐艱  
難萬里達于京都域有濕燥氣有涼炎春行秋至温  
不敵嚴毛鱗尾鍛鮮落瘁添經城吏懼邁野民憂幸  
其過速斂錢而賕至則昂天軒觀豪門振紫庭浴漢  
潭美豢宮坊殿縱上林豢者如浮縱者若沉味不升  
俎毛革不御此何物者而蒙是榮遇拔微登賤永棄  
方土於是歌曰聖王却珍禽獸靡哉貴賢游德麟遊  
鳳儀役神遐異厥民之厲白狼以歸荒服不至

水車賦

厥甃有輪一側一覆覆者旋左側承以屬各有犬牙  
錯銜摩軋象彼兩儀環周樞幹有百其屏牽聯承乘  
必噓斯降有挈乃升成功者退四序之旨行息棘紆  
於厥輪視噓者受一受者在中長槽引之無鳥弗通  
受曰含弘通曰流形默濡旁漑支洄源滂其動也時  
其靜也虛一氓操之與造化競驅大其惟水車乎

四友亭賦

夫物有情契事有理同人有大觀氣有流通  
故一本而視同體之義存焉體物者用因心  
之懿宣焉命友以四倫數之天天定物合事

之奇也。闡名設亭訓之推也。故埴篲之音暢於家而後孝弟之風行於國。何則。敦薄銷鄙非久弗著也。故詩曰。和樂且湛。久莫要於不變。不變莫如松竹梅柏。人友其一而亭其間而盤桓。所謂事同情契。可以大觀者歟。矧吾一氣也。乾父坤母。物不吾異也哉。於是賦之賦曰。

繫許氏之爲亭也。左崇嶺石大江架盱。豁軒紛寵占巨域符名邦。上納噴岙下壓濤瀧。屹鐵城之東。圻司勾吳之西。封圍之以金焦之秀。標之以芝山之峰。爾

其經始也。召班爾謀。詹咸諦璇曆證。虎鈴伐直材於太古之谷。礪文石於千仞之巔。慎陶鍛而兼美。雖鏤雕而務堅。既測圭以定景。復銓辰而考躔。信抱形以回勢。亦負阜而面川。則大壯以弘義。乃取乎上棟下宇法。三才而樹本。故使之下方上圓。懼窒閉之傷順。則以之四洞八達。惡巧麗之賊久斯。尚夫樸厚渾全。孤立乎曠闊之囿。俯瞰乎蕩絲之阡。而乃藻常棣而爲梁。糝紫荊而爲牆。雜之以蘭夷椒桂。繪之以玉碧文章。苞忠厚以爲基準。虛明而開牕。仰穹窿而體健。俛靜直而效方。遵扁啓於斯。暮式向背於陰陽。於是

則徙嶰谷之梢運徂徠之餘拔新甫之奇挺收孤山之芳翫水潤火暄義培仁灌冲和融結寒暑變換候葉歛華俄聚乍散玉瑀雲鬱素飄蒼爛或偃蹇牖戶或昂藏霄漢或巍若大夫或濬若君子或如幽岵綠裳翁或如空谷白駒士或岳岳而立或娟娟而倚判體合蘊殊狀詭形輪囷離奇剝削娉婷望之溟濛就之矜澣日爲之視風爲之聽雨爲之沐雷爲之醒烟爲之韻神爲之冥茲四物者非所謂天下之至靈歟而奚萃吾亭也迺有蘭昆玉季鴈行雙雙攀勁拊修振英擢穠人取其其一稱爲四友乃於是召上客呼戚

倚敞翠帟羅珍羊互膾江鮮剝吳牛進楚舞徵齊謳飛兕觥列清壺益之越錯侑之海腴解帶傾庶羞促節紛高倡絙伐木之亂簧闕牆之章欽友于之嘉懿悲粟布之見戕調瑟琴於既具沸埴篴之遺響已而樂希顏醜主賓共起徘徊於四靈之下衍遊於葱蒨之傍吸霜柯之明雪飲蒼玉之浮涼拾香鈴以藝鼎採寒葩而泛觴掣懸茗於上枝散啁雀於叢芳避松徑以行丹鶴護竹實而需鳳凰於是各命侍兒遞節緩歌出飲入越絲肉相和松兒歌曰若有人兮佩鳴環修蒼鬢兮抗冰顏抗冰顏兮吾之友心莫逆兮萬斯

壽竹兒賡之曰有美一人其修如玉翩翩翠袖日暮  
空谷暮空谷兮憺忘歸居有朋兮我心怡梅兒賡曰  
子醜妍兮華我惡於子游兮元之素元素本無垢歲  
寒願相守柏兒賡曰冠峩峩劔陸離綠髮氈氈褐歲  
蕤歲蕤靡時改中路莫疑悔歌畢主人乃還客入亭  
復坐引觥而各不自覺其頽然醉矣客則強起婆娑  
舞其歌斷續弗調似亦賡前歌也歌曰吳江落楓洞  
庭下橘朔風有嚴玄冥變律露露溟溟慘兮而慄龍  
蛇以蟄百卉蕭瑟堅者隕榮脆者銷質是時也不有  
此四友者於斯亭也孰與壯天地而光月日哉

冬游賦

仲月之交役車既休其木變落水涸不流於時駕車  
命侶辭閩涉防泝長阡以橫目眇烟藪之蒼蒼零露  
下而草濕清霜飛而柏傷浮雲翼其四起高鳥止而  
復翔詫途隅之鴻構忽危榭而重樓破千金以營域  
錮九泉而爲丘嘆狐鼠之無忌覽榛棘而懷憂爰息  
輪以陟崇眺城觀之霏藹日陰陰以向暝雲肅肅而  
歸海念皇衢之如砥懼前路之中改冀蓄陽以發春  
準四節而成載

空同集卷第三

空同集卷第四

古詩一十五首

北郡李夢陽撰

禋社

禋社紀成也今

上肇禮于社臣夢陽以戶部員外郎從而賦禋社

元年仲春吉日維戊 天子肇修于社式對二后協  
於百辟既祗既戒其日丁巳三星彗彗  
百辟至止萃於臯門三星在隅乃辟乃闡有滄其雲



有零其雨亦鳥蹠蹠于壇之所  
八佾剡剡百燎盈庭左金右石鏞鼓孔行 帝命元  
臣曰我朕代式虔式穆厥維朕載  
元臣受 命爰肅其躬月出則光三星在中聲管喤  
喤有萬斯舞爰配二辟犧尊維俎  
於神來格殷殷番番龍旂載揚雷霆嗙嗙明明對越  
肅肅奔走神既醉飽錫辟之祐  
適皇纘業配天于京三辰允禎曰雨曰暘皇降嘉賈  
來牟黍秬敷文戢戈克紹冢土

禋社六章章八句

辟雍

辟雍紀視學也

天子至止于彼辟雍和鸞央央其來雍雍象輅金衡  
有蒼其龍光于廟宮是依是崇

吉日維申修我元祀臯 祝設樂鏞鼓萬舞有筐有篚  
以享以祀羣執肅肅秉德弗渝

維其觀者三氏孫子其冠莪莪來忻來止翩彼鳳鳴  
集于東林繹其觀者其爛如雲

自門徂基辟儼若思肅 衿濟濟以辟以師爰 命祭  
酒司業拜手訃哉嘉謀作民元后

帝若曰都戎言式弘匪道何程匪猷曷承載弼元理  
維協乃有衆拜稽首 天子萬壽

旗旒旆旆淵淵伐鼓 皇發辟雍用惠下土自天降

休豐年穰穰藹藹王々多吉人四國用康

辟雍六章章八句

甘露

甘露紀異也元年冬至甘露降于陵樹

於辟是興皇用錫祉苞有八業侯茂侯采

填填墉壑有嚴廟宮湛彼露斯旣霑旣降

湛彼露斯于松于柏是堅是掇罔匪澤澤

陵樹有爛其華盈盈著蒸光于邦家

蕩蕩上帝降監在茲維辟時格豈曰匪時

其時伊何厥陽載升爰液乃濡惠我孔明

其昭伊何曰帝攸績靡濫靡僭甘澍斯獲

明明昊天是歆是臧臣作誦口告于萬方

甘露八章章四句

觀牲

觀牲大儀也

赫赫明明 天子攸行以修 禘以對于上帝

天子至止觀牲于郊龍旂交交八馬鳴蕭蕭

帝至于郊於赫有臨載穆載之曰歲事是歆

帝降于圉犧人脫福羊牛鹿不儻儻濯濯濯濯牲牲

翔帝之圉其牲孔碩甫甫庶麋

城人伐鼓帝至郊所于旄泚淠淠虎士孔武乘彼大

路八鸞與與昭于萬邦光于皇祖

觀牲五章三章章八句二章章八句

效五子之歌正德年

大禹曰咨咨太康女何樂于田十句弗返百姓離逝

女厥緒用芬洛汭湯湯流于典方曷歸曷歸我心憂

傷

大禹曰咨咨太康敬哉有土母荼毒下民母曰民小

母我崇尊天自我民明威

大禹曰咨咨太康天命難忱慎德者昌維帝克堪奄

有萬方乃罔攸序上帝殛罰女

大禹曰咨咨太康母遊于盤母荒于田母小人是庸

嗜貨靡不顛母曰予一人天下予何天方降雨瘡

大禹曰咨咨太康彼曰不臧是謀是從此曰既經是

戾是戕不念爾祖獨不念爾土嗚呼敬哉敬哉天罔

私隲女

效五子五章二章章九句一章八句二章

章六句

有鴟

有鴟諷也

有鴟有鴟集于喬林征夫遑遑以北以南居人之子  
我是用覃

東人之子衣服粲粲西人之子車馬有爛中人之子  
噂噂衍衍

誰屋室潭潭誰教孫有冠誰遇人艱難誰寤寐永嘆  
爾視爾友令色令儀弗視爾友靡臧靡嘉爾視爾友  
予德予哲背姻背婭罔不愆蔑

朔日日虧十月其雷山川震崩星辰逆行二三君子

匪疚匪疾日時則然匪我敢逸

燕雀在堂翩翩其羽鱖鱖魴鱖在于河渚弗念弗畜

孰獲爾所小子作詩誨言式女

有鴟六章二章章六句三章章八句一章

四句

青青者蒿

青青者蒿感遇也

青青者蒿生于汗池旃旒有翩君子攸悲

有蕩者道其木喬喬有鳥嘒嘒女有巢漂搖

有石嶢嶢在于中泉我思漑壘畏子不前

青青者蕭三章章四句

有兔

有兔閔獵樞也

有兔有兔其來漣漣有量曼曼虞人之縛

有兔綏綏瞻子傷悲豈女有母我子無所

爾粟爾糜爾有猫狸云胡樂而

有兔三章二章章四句一章三句

河之楊

河之楊怨離也

河之楊其葉幡幡子之歸矣誰與我晤言

河之湍兮我心博兮庶見子旋兮

河之楊二章一章四句一章三句

我行

我行思也

采芣采芣于彼中野我行思子瞻望伊阻

我有籩有俎滑滑我酷坎坎我鼓反反我舞

有筵有几我有桃李不見子都實維憂矣

我行三章章四句

始雷

雷于辰宜也然懼其弗施也弗威也又弗廣也  
作始雷

雷之磕兮西山之陽兮翕兮張兮發坤藏兮闡而昌  
兮

雷之升兮列缺光兮驅罔象叶平兮劃幽匿兮維民之  
福兮

雷虩虩兮民愬愬叶入兮施甘雨兮冒下土兮登我稷  
黍兮

我出城闈

我出城闈閔水也嘉靖甲申秋久雨水涌陸地

行舟

我出城闈浩浩甘流我車我馬登彼方舟昔也長薄  
乃今舟之滔滔波塗昔也疇之

嗚呼蒼天雨無其極淤我良田浥我稼穡賣牛買船  
賣鉏買楫夕之朝之濟有深涉

彼負者子涉寒號咷彼輦者子陷泥中濤彼車者子  
馬顛濡毛彼往來者誰子冠蓋而遊遨

我出城闈三章章八句

河之渚

河之渚送鮑氏也

河之渚鳧鴈與與我駕我車載言送汝河水漚漚汝  
舟淠淠冬十有一月甲申者歲

河之沙浩浩其霜人廬人處子也獨行廬匪不懷茲  
非我邦豈無念處旋我舊鄉

舊山有廬溪則有魚有車馬驅有琴瑟笙等烈風旆  
旆寒日冰瀨汝征汝邁

山有栲亦或有栲魚潛于淵或在于沼芻蕘之言君  
子敬聽慎爾威儀擇爾友朋

河之渚四章三章章八句一章七句

### 型範

型範省躬也

器土必型器竹必範綏則有蟬冠則有范哲人畏威  
爰矜爰業省之察之春冰是涉

帝命攸畀而胡罔嘉忽心乘之厥玉斯瑕聖戒罔念  
賢省日三興則倚之立則如參

淵魚負冰谷鳥嚶嚶賢豈在貴愚匪無榮維彼賢人  
省躬靡疚彼愚何人外華中垢

型範三章章八句

### 歸壽

歸壽者李子爲東野子作者也東野子年六十

其子經自大梁馳而歸壽焉於是作歸壽

春日旣熙有繁其梅爰啓我堂我尊我壘穆穆其賓  
揖讓先後介我眉壽飲我清酒

爾生之辰爾子遄馳何以獻之玉斗金卮春華在殷  
舞衣爛斑庭樹青葱烏鳴關關

又何獻之崧高之松翠蕤屈枝盤盤如龍又何獻之  
維河之鯉玉鬢睢陽金鱗泚泚

歸壽三章章八句

空同集卷第四

空同集卷第五

北郡李夢陽撰

琴操五首

衛女操

舊說衛有賢女趙王聞其賢請聘之未至而王  
薨太子曰吾聞齊桓公得衛女而霸今衛女賢  
欲留之大夫曰不可若賢女必不我聽若聽必  
不賢不可取也太子遂留之果不聽拘於深宮  
思歸不得援琴而歌曲終自縊而死

有狐綏綏兮在彼河梁我欲濟之兮河無航瞻彼故



丘兮淇水淺淺懷我父母兮不能奮翻嗟嗟不能奮  
翻予安用存兮

漆室女操

漆室女魯人也倚柱悲吟鄰人問曰欲嫁乎女  
曰吾憂國傷人心悲而嘯何言欲嫁乎遂自經  
而死

父母不聽女言女義不至公門嗟嗟柰何朝倚柱而  
吟暮倚柱而歌知我者謂我心憂不知我者謂我求  
為家吾寧為地上之茂草誠不忍負巖牆而生

慧蛾操

李子中庭而立有蛾窘於爵入檐而避之李子  
傷之作此操也

其之漸漸兮入我檐兮慧遠賊兮信彼黠兮寧爾獲  
兮

哀鳳操

哀鳳操為漢中張子作也張子三十而天子傷  
其孤貧無歸也援琴而哀之

鳳之來兮爾胡為兮牛有阜兮雞有棲鳳兮鳳兮今  
何歸傷哉命兮我心悲

月星操

元年冬十有一月其日己卯月在寅位金宿來  
襲李子見之而憂作此操也

陰陽舛錯亦孔之選斤斤其月有星薄之嗚呼天高  
高在上意安若兮

古調歌詩二十五首

河之水歌

河之水歌李子爲其子作也以子追不及

河之水流濺濺望父不見立河干

河水澌澌舟子搖櫓東方漸明我不得渡

想像歌

李子北行日夜行思其兄其兄亦日夜行於是  
作想像之歌

霧邪煙邪行草莽者兄邪

雞鳴歌

雞鳴歌者李子去江西而作者也孤舟泝江漢  
而上

東方白兮雞鳴膠膠鼓予擢兮沙之坳明星上船桅  
北斗入地離離蘆中人逝而逝而

內教場歌

內教場歌者李子紀時事而作者也 帝自將

練兵於 內庭

雕弓豹韃騎白馬大明門前馬不下徑入內伐鼓大  
同邪宣府邪將軍者許邪解一武臣不習威柰彼四夷  
西內樹旗 皇介夜馳鳴砲烈火嗟嗟辛苦解二

叫天歌

叫天歌者撫民之所作也余聞而悲焉撮其詞

而比之音

彎弓弓帶刀彼誰者子逍遙牽我妻放火我言官府  
怒我解一彼逍遙者誰子出門殺人騎馬城市汝何人  
誰教汝騎馬解二持刃來汝刃來彼殺我父兄我今遇

之必殺此儻彼答言奉黃榜招安嗟嗟柰何柰何解三  
彼不有官饑官賑之出有馬騎我有租有徭有役苦  
楚胡不彼而解四

招安歌

鷹饑則附我父順子逆子右父左彼則萬只誰曰千  
只彼烹牛美妻尚望樵山而秉犁

賊逃歌

戈戟團團鳥飛不過汝安逃兮毒弩蛇矛平林之坳  
兮君不見青衣來狼兵關

愍災歌

火之發兮城南暮飛城入兮勢衝礧急風逆不反我  
心怛兮怫兮汨兮安得術巽爾滅兮解省之以自門  
徂堂燒兩廊兮彼何樓者裂棟瀑瓦天爲赭兮煙噴  
噴海湧照四野兮嗟何鳥聲恠而赤焰翔而不下兮

解二

### 愍燹歌

東湖爲陸而我無車有舟灘高水淺行不得以舒倉  
浪天疾威我人七月不雨田龜拆山而鱗鱗夫兮出  
殺賊婦哭于廬疇給我食

### 姚源歌

嗟峯萃是何峰攢兮下則無底之壑血滲瀉濕兮猛  
獸食人岑岑禽鳥竦峙鳴鳶不可以爲鳳杜爾創兮  
我聞不敢以言舉火來白刃帳下離哉翻縣官走前  
奪驢後叫狗

### 款乃歌

五更風打頭來兮嗟嗟款乃船開努力齊兮款乃力  
把柁立兮款乃努力上灘水平平緩兮款乃北風雨  
雪吹我寒兮款乃日漸漸冥兮誰濟此川款乃

### 和方山子歌

餞者在郊黃鳥交交揚柳蔭車有酒有肴

右僕夫歌

何柳不黃何鳥不鳴匪無良朋懷我故鄉

右答歌

春水渙渙水鳥鳴喚追汝者誰白馬在岸

右舟子歌

食君琅玕佩君玉環春蒲再芽北舟我還

右答歌

已哉辭

由東醜貪孰之廉兮餐冰茹蘗乃疇苦汝節威  
屈以身殉國此戾此賊彼毅彼力曰伊逮之逮

矣已哉天平命乎誦予改之吾曷懲矣粟滴瀝望首  
陽之清泉兮二人者從之汨乎終予年

三原王公壽辭

軒冕兮巍我公之進兮羣龍委蛇公今何所兮南山  
岩崑誰與公兮逍遙 南山何有兮其雲油油出覆  
四海兮歸抱一丘公朝攀兮暮與游徜徉宇內兮復  
安求 綠桂兮丹阿公遊兮酒歌幅巾兮鷺羽婆娑  
兮公舞壽且康兮慰我民望兮

招隱山辭

山之桂青青秋風綠葉久不零王孫幾時歸山空蕙

草摧山之草萋萋春風花發桃源迷子規啼竹陰  
日暮愁人心秋之夕螢飛山風霜露沾人衣洞門  
翳寒蘿柰茲華髮何

楚調歌一十二首

天門開

天門開兮冥冥沛余乘兮上征雷車兮電旗班陸離  
兮四馳陽昭昭兮在下女翩翩兮媵予交不周兮易  
離路超遠兮徒自苦涉海兮揚靈揖陽侯兮貝宮采  
珊瑚兮嶼間折三秀兮水中望佳人兮不來吹洞簫  
兮絕浦聊盤旋兮戲娛時不可兮再有

貽女

龍旌兮玄牡重闕兮紫府夫君兮不可以見女躑躅  
兮徒自苦衝風起兮河曾波巖岬岬兮桂蘿折瓊蕊  
兮貽女媒不通兮怨嗟若有人兮乘游龍佩蒼景兮  
御清風陟帝左兮右降又翱翔兮極中君游兮崑崙  
又夕宴兮王母緩節兮永歌紛兮繁舞望遙浦兮  
御舸吹參差兮愁予

捐袂

捐袂兮沙裔遺襟兮澧浦御重華兮九疑觀潺湲兮  
容與神之來兮六龍翳瓊枝兮翠葆驅豐隆兮挾百

靈來如雲兮去冥冥來躡霞兮去乘霓  
靈連蜷兮復歲蕤山之桂兮江之楓  
雲颯颯兮吹秋風班予馬兮延佇美  
要眇兮中渚

懷鄉

伐辛夷兮采芳芷茸荷屋兮蔭蘭渚  
佳人去兮不歸靈連蜷兮愁望予  
涉世徑兮歷險阻駕玄驂兮又文  
牡歲冉冉兮既不我留悵懷鄉兮  
汨夷猶焉首離離兮石間雨冥冥  
兮山之幽旋予馬兮故阿陟堂址  
兮寡女蘿霜露交下兮亭臯秋風  
夕兮洞庭波山何爲兮龍從木何  
爲兮蒙密公有亭兮何不日鼓瑟日  
鼓

瑟兮復吹鬪憺娛樂兮萬福來

君夷猶

登樓兮送君日盈盈兮將去浴懷弗鬱  
兮帶長薄君夷猶兮吹間並作巢燕  
兮既心辭又鳴兮蟪蛄紛軒莖兮  
總總君胡爲兮南都若有入兮被杜  
衡帶薜蘿兮蕙纓中有懷兮荃不知  
臨修路兮悵天涯悵天涯兮望煙渚  
信予美兮誰與龍城二丁貝闕君暮趨  
兮朝謁采芳芷兮江中寄佳人兮天  
北

騁望

送佳入兮江渚嫋嫋兮雲氣下鳥翩翩  
兮戾止蟬暮

吟兮獨苦余遭迴兮隱軫寒中洲兮偃蹇心相親兮  
口難言目不覩兮日以遠風濤兮浩蕩涉浦兮騁望  
蘭被汀兮葳蕤杜參差兮夕漲君稅楫兮前坻復容  
與乎中渚恂恍兮將從惟信淹留兮誰與

雩旱歌

望君兮曾波雨霾兮兩河驟豐隆兮駕馮夷蹇將至  
兮風薄之吹笙兮擊鼓絙絃兮會舞君不來兮使我  
心苦雲冥冥兮晝晦神靈惠兮甘雨我稷兮我黍穀  
之兮士女編龍兮堂壇禽蜥蜴兮水際吐雲兮上下  
使鳩鳥兮騰逝紛總總兮神欲下森爲駕兮龍爲馬  
君誰須兮不來日將莫兮怨思

祀白鹿先生迎送神辭二首

吹玉簫兮眺帆浦橫蔽江兮美無舸蹇躑躅兮旋望  
窈窕窈兮山之左陟山左兮降右忽而來兮倏而去  
跨白鹿兮導兩螭色含笑兮心莫知旣登兮山椒復  
南陟兮石瀨日冥冥兮欲暮風飄飄兮吹蕙帶

右迎神

綠蘿兮紫萸桂生兮羅戶風颯颯兮若有望神驅雨  
兮泉浪浪蹠我嗒兮坐我几以彭郎兮挾匡父蘭穀  
兮椒醕日中兮萬舞美孰怒兮飄忽逝雲離離兮怨



余

右降神

迹不偕兮心相疑  
灌雖諧兮愁易離  
君荷衣兮蕙帶  
逍遙山中兮桂為蓋  
天門兮既闢騰而上兮雲之際  
石有澗兮山有峰  
心相慕兮交不逢  
稅吾車兮繫馬  
願褰衣兮從子

右送神

步虛辭

被霞衣兮芝蓋  
藹沛騰兮影長帶  
魂逖逖兮天門奄  
周章兮雲際吹參差兮槃舞燈繁紛兮不歌以鼓水

以陸兮濟鬼福釐沕兮冀望苦

芝山子辭

山之芝兮歲蕤子出遊兮不歸子不歸兮翳薜蘿寒  
余獨兮山之阿山阿兮望子芝爛爛兮莖紫從子兮  
齋房帝座兮顯清天門兮不易通子歸來兮山中石  
磊磊兮路修日暮兮不我聊

空同集卷第五

國

